



Broj: 07-05-04-16368-1/25
Sarajevo, 26.05.2025. godine

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 34. Zakona o ustanovama ("Službeni list RBiH", br. 6/92, 8/93 i 13/94), člana 16. Odluke o osnivanju Javne ustanove "Centar za napredne tehnologije u Sarajevu" ("Službene novine Kantona Sarajevo", br. 28/18, 6/19, 19/23 i 22/24) i člana 6. stav (1) Odluke o kriterijima za izbor i imenovanje predsjednika i članova Upravnog i Nadzornog odbora i direktora Javne ustanove "Centar za napredne tehnologije u Sarajevu" ("Službene novine Kantona Sarajevo", br. 45/18, 49/18 i 12/19), ministar Ministarstva privrede Kantona Sarajevo objavljuje

**JAVNI OGLAS
ZA IZBOR I IMENOVANJE PREDSJEDNIKA I ČLANOVA
NADZORNOG ODBORA JAVNE USTANOVE
„CENTAR ZA NAPREDNE TEHNOLOGIJE U SARAJEVU“**

1. Predmet Javnog oglasa

Objavljuje se Javni oglas za izbor i imenovanje na pozicije predsjednika i članova Nadzornog odbora Javne ustanove "Centar za napredne tehnologije u Sarajevu" (u daljnjem tekstu: Javna ustanova) i to:

Nadzorni odbor:

- a) predsjednik - predstavnik Osnivača,
- b) član - predstavnik Osnivača,
- c) član - predstavnik zaposlenika Javne ustanove.

Predsjednika i članove Nadzornog odbora Javne ustanove imenuje i razrješava Vlada Kantona Sarajevo.

2. Opis pozicija

2.1. Nadzorni odbor Javne ustanove nadležan je da:

- analizira izvještaje o poslovanju Javne ustanove,
- u obavljanju nadzora nad upotrebom sredstava pregleda godišnji izvještaj o poslovanju i godišnji obračun Javne ustanove,
- pregleda i provjerava zakonitost i urednost vođenja poslovnih knjiga Javne ustanove,
- izvještava Osnivača, Upravni odbor i direktora Javne ustanove o rezultatima nadzora i
- izvršava i druge zadatke i poslove u skladu sa zakonskim i drugim propisima i opštim aktima Javne ustanove.

2.2. Način izbora predsjednika i članova Nadzornog odbora, mandat i naknada za rad

Predsjednika i članove Nadzornog odbora imenuje Vlada Kantona Sarajevo. Mandat predsjednika i članova Nadzornog odbora traje četiri godine. Mandat počinje teći od dana stupanja na snagu rješenja o imenovanju. Kandidat za predsjednika ili člana Nadzornog odbora ne može biti biran više od dva puta uzastopno.

Predsjednik i članovi Nadzornog odbora imaju pravo na naknadu za svoj rad, koja se utvrđuje posebnom odlukom Vlade Kantona Sarajevo.

3. Uslovi za pozicije

Svi kandidati moraju ispunjavati opće i posebne uslove.

3.1. Opći uslovi:

- a) da je kandidat državljanin Bosne i Hercegovine (dokaz: uvjerenje o državljanstvu);
- b) da je kandidat stariji od 18 godina (dokaz: izvod iz matične knjige rođenih);
- c) da kandidat nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije (dokaz: izjava potpisana od strane kandidata i ovjerena od strane nadležnog općinskog organa ili notara);
- d) da kandidat nema poslovnu saradnju sa Javnom ustanovom i/ili njegov bliski srodnik, a koja podrazumijeva novčanu naknadu, osim primanja po osnovu radnog odnosa kandidata (dokaz: izjava potpisana od strane kandidata i ovjerena od strane nadležnog općinskog organa ili notara);
- e) da se na tog kandidata ne odnosi član IX.1. Ustava Bosne i Hercegovine (dokaz: izjava potpisana od strane kandidata i ovjerena od strane nadležnog općinskog organa ili notara);
- f) da kandidat nije osuđivan za krivično djelo ili za privredni prestup (dokazi: uvjerenje nadležnog MUP-a i uvjerenje nadležnog suda);
- g) da kandidat nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti Federacije Bosne i Hercegovine ("Službene novine Federacije BiH", broj 70/08) (dokaz: izjava potpisana od strane kandidata i ovjerena od strane nadležnog općinskog organa ili notara).

3.2. Posebni uslovi:

- a) da kandidat posjeduje univerzitetsku diplomu i najmanje 5 godina radnog staža u struci nakon sticanja univerzitetske diplome (dokazi: univerzitetska diploma i potvrda ili uvjerenje o radnom stažu u struci);
- b) da kandidat nema privatni finansijski interes u Javnoj ustanovi u smislu Zakona o sukobu interesa u organima vlasti Federacije Bosne i Hercegovine ("Službene novine Federacije BiH", broj 70/08) (dokaz: izjava potpisana od strane kandidata i ovjerena od strane nadležnog općinskog organa ili notara);
- c) da kandidat, u trenutku podnošenja aplikacije na upražnjenu poziciju, nije član više od jednog upravnog ili nadzornog odbora bilo kojeg pravnog lica (ustanove, privredna društva, agencije, udruženja, fondovi i sl.) (dokaz: izjava potpisana od strane kandidata i ovjerena od strane nadležnog općinskog organa ili notara);
- d) da kandidat nije direktor Javne ustanove (dokaz: izjava potpisana od strane kandidata i ovjerena od strane nadležnog općinskog organa ili notara);
- e) da je u Javnoj ustanovi zaposlen na neodređeno vrijeme - za kandidate koji apliciraju ispred zaposlenika Javne ustanove (dokaz: ugovor o radu ili rješenje kojim je zasnovan radni odnos na neodređeno vrijeme i izjavu potpisanu od strane kandidata da je zaposlenik Javne ustanove

ovjerenu od strane nadležnog općinskog organa ili notara ne stariju od dana objave ovog Javnog oglasa).

4. Kandidovanje

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Vlada Kantona Sarajevo, na prijedlog ministra. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se ispuniti neposredno prilikom intervjua.

Ni jedan kandidat neće biti stavljen na listu sa užim izborom ukoliko nije povoljno ocijenjen prema kriterijima za imenovanje.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka ("Službeni glasnik BiH", br. 49/06, 76/11 i 89/11).

Nakon intervjua, Komisija za izbor će predložiti rang - listu sa najboljim kandidatima odgovornom javnom službeniku na daljnje razmatranje. Kandidati koje nakon intervjua preporuči Komisija za izbor, smatrat će se da su najuspješnije prošli otvorenu konkurenciju.

5. Prigovor

U slučaju postojanja dokaza da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) ili postupci nisu ispoštovani, zainteresirana stranka može podnijeti prigovor na konačno imenovanje.

Prigovor se podnosi ministru Ministarstva privrede Kantona Sarajevo, a kopija se dostavlja Ombudsmenu za ljudska prava Bosne i Hercegovine.

6. Sadržaj prijave kandidata i spisak potrebnih dokumenata

Kandidati su dužni, uz svojeručno potpisanu prijavu, priložiti biografiju i originalne dokumente ili ovjerene kopije dokumenata ne starije od šest mjeseci, koji su dokaz o ispunjavanju općih i posebnih uslova traženih oglasom, u roku od 15 (petnaest) dana od dana posljednjeg javnog objavljivanja. Oglas će biti objavljen u "Službenim novinama Federacije BiH", dnevnom listu "Dnevni avaz" i na web stranici Ministarstva privrede Kantona Sarajevo web: <http://mp.ks.gov.ba>

6.1. Kandidat je dužan priložiti sljedeće dokumente:

1. Prijavu,
2. Biografiju,
3. Uvjerenje o državljanstvu (original),
4. Izvod iz matične knjige rođenih,
5. Izjavu ovjerenu od strane nadležnog općinskog organa, da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije,
6. Izjavu ovjerenu od strane nadležnog općinskog organa, da nema poslovnu saradnju sa Javnom ustanovom i/ili njegov bliski srodnik, a koja podrazumijeva novčanu naknadu, osim primanja po osnovu radnog odnosa kandidata,
7. Izjavu ovjerenu od strane nadležnog općinskog organa, da se na njega ne odnosi član IX.1. Ustava Bosne i Hercegovine,
8. Uvjerenje nadležnog MUP-a da kandidat nije osuđivan za krivično djelo,

9. Uvjerenje nadležnog suda da kandidat nije osuđivan za privredni prestup,
10. Izjavu ovjerenu od strane nadležnog općinskog organa, da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08),
11. Univerzitetsku diplomu,
12. Potvrdu ili uvjerenje o radnom stažu u struci nakon sticanja univerzitetske diplome (original izdato od nadležnog organa za penzijsko i invalidsko osiguranje),
13. Izjavu ovjerenu od strane nadležnog općinskog organa, da nema privatni finansijski interes u Javnoj ustanovi u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08),
14. Izjavu ovjerenu od strane nadležnog općinskog organa, da u trenutku podnošenja aplikacije na upražnjenu poziciju nije član više od jednog upravnog ili nadzornog odbora bilo kojeg pravnog lica (ustanove, privrednog društva, agencije, udruženja, fonda i sl.),
15. Izjavu ovjerenu od strane nadležnog općinskog organa, da nije direktor Javne ustanove,
16. Ugovor o radu ili rješenje da je u Javnoj ustanovi zaposlen na neodređeno vrijeme - ukoliko aplicira ispred zaposlenika Javne ustanove i izjavu potpisanu od strane kandidata da je zaposlenik Javne ustanove ovjerenu od strane nadležnog općinskog organa ili notara ne stariju od dana objave ovog Javnog oglasa.

Potrebno je da kandidat sve dokumente priloži u originalu ili ovjerenoj kopiji ne starije od šest mjeseci. Po okončanju postupka po Javnom oglasu Komisija se ne obavezuje vršiti povrat priložene dokumentacije kandidata. Povrat dokumentacije vrši se na osnovu pismenog zahtjeva kandidata.

Napomena: Kandidati koji budu predloženi za imenovanje sa rang - liste sa najboljim kandidatima i koji ispunjavaju kriterije za imenovanje iz javnog oglasa, dužni su dostaviti uvjerenje da nije osuđivan za krivično djelo (uvjerenje nadležnog MUP-a). Navedeno uvjerenje kandidat je dužan dostaviti u roku od 10 (deset) dana od dana utvrđenog prijedloga. Ukoliko predloženi kandidat ne dostavi traženo uvjerenje ili se utvrdi da ne ispunjava uslov po ovom osnovu, predložit će se sljedeći najuspješniji kandidat sa rang - liste sa najboljim kandidatima, koji je također dužan dostaviti traženo uvjerenje u roku od 10 (deset) dana od dana kada je predložen.

7. Ostale napomene

Prijave na javni oglas sa svim traženim dokumentima se dostavljaju lično na protokol Kantona Sarajevo ili poštom preporučeno na adresu: Ministarstvo privrede Kantona Sarajevo - Komisija za izbor, Sarajevo, ul. Reisa Džemaludina Čauševića broj 1, prizemlje, uz naznaku na koverti: **"Prijava na javni oglas za izbor i imenovanje predsjednika ili člana Nadzornog odbora Javne ustanove "Centar za napredne tehnologije u Sarajevu" - NE OTVARAJ"**. Na poledini koverta navesti ime i prezime podnosioca prijave, adresu i kontakt telefon.

Obrazac Prijave na javni oglas se može preuzeti u Ministarstvu privrede Kantona Sarajevo, II sprat, soba broj 217 i sa web stranice ovog Ministarstva.

Neblagovremene, nepotpune i neuredne prijave neće se uzeti u razmatranje.

MINISTAR

Zlatko Mijatović